

դէր, և համարձակ հրապարակէր զգաղտնի դաւադրութիւնս Յունաց. պատրաստ եմք ասէր 'ի բանա և 'ի մահ, և ոչ դադարիմք 'ի թախանձելոյ զարդարասէր թագաւորն, զի դթած է նա և ողորմած. և իրաւամբ տնօրինէ զիրաւունս մեր, և այլ սոցին նման բանք բազում իբրեւ ժամս 2, զի փոխանակ Յունաց նոքա հակառակէին Հայոց, և Պէյլիքճին իսկ ասէր, հնար է զերկուս ձեռս հատանել, քան զարձանագրութիւնս Յունաց ջնջել. զորոյ զգլուխն իսկ երարձ Արքայ զկնի աւուրց, սակս ինչ ինչ պատճառաց. և Հայք մեկնեցան 'ի տեղիս իւրեանց, Բէիզ էֆէնտին կամեցեալ երկիւզ ինչ արկանել 'ի միտս Հայոց, կոչեաց առ ինքն զմին յերեւելեաց և ասէ՝ մի՛ հետեւիք բանից Փոխանորդին ձերոյ, զի մեծամեծ վնասուց տայ պատահել ձեզ: Յետ աւուրց ինչ ըստ ծանուցման Բէիզ էֆէնտեայ՝ վերստին չոքան առ նա 'ի տուն նորին երկօքին Պօղոս վարդապետք, ուր մանրախոյզ քննութեամբ տեղեկանայր ամենայն անցիցն զոր անցուցին Յոյնք ընդ Հայս: Յայնժամ 'ի միտ առ սյրն, թէ վէճն օր քան զօրունի սաստկանալ, եթէ ոչ լիցի արդար դատաստան 'ի մէջ երկուց ազգաց:

Եւ 'ի ծանուցանելն զայս ամենայն Արքայի՝ եւ հրամանս լինել դատաստան 'ի Փաշա Գաբուսի կոչեցեալ տեղին, և կայսերական հրամանաւ կարգեցան Դատաւորք՝ 'ի գիտնականաց դասէ՝ էմին Պէկ, Ֆէթվա էմինի, Թահիր եւ Գասրմ էֆէնտիք: Ի նախարարաց կարգէ, Բէիզ էֆէնտի, Աղիզ և Եուսուֆ Ակեայ էֆէնտիք: Եւ Հայք ընտրեցին 'ի կողմանէ իւրեանց Ազնաւորեան Բեահեայ Կարապետ Ամիրայ, Յովհաննէս Չէլչպի Յարութեան, Չէրէզեան Գրիգոր, Տատ Վառօղապետ, Գլճեան Անտօն, Թնկրեան Մինաս, և Պօղոս վարդապետ Փոխանորդ Երուսաղէմի. սոքա զնացին բազմութեամբ 'ի Հասան Փաշա խանն մերձ 'ի Դուռն Փաշայի, եկն անդ եւ Յովհաննէս Պատրիարք Կոստանդինուպօլսոյ:

Իսկ 'ի կողմանէ Յունաց եկին Երասիմոս եպիսկոպոս Առաջնորդ թեազորնիկեայ, Առաջնորդն Իկոնիոյ, Մետրոփանոս միաբան Երուսաղէմի, և այլ երկու անձինք յիշխանաւորաց նոցին: Սոքա ամենեքեան իբրեւ Երեսպիտ-